

## ADDENDA.

V. 966. Eandem locutionem usurpavit etiam Euripides Iph. A. 856. Χαῖρ', οὐ γὰρ ὀρθοῖς ὄμμασιν σ' ἔτ' εἰσορῶ. Paulo diversus est loci Sophoclei Œd. T. 528. sensus, Ἐξ ὀμμάτων δ' ὀρθῶν τε καὶ ὀρθῆς φρενός. diversus etiam Ovidiani *Nusquam recta acies*. Pro *intrepido vultu* occurrit apud Lucanum IX. 904. *Qui potuere pati radios et LUMINE RECTO Sustinuere diem*, quem nimis serviliter imitatur Claudianus Præf. ad III. Consulatus Honorii. *Et RECTO flammam imperat ORE pati*. Hæc addas iis, quæ vir summus Bentleius congescit ad Horat. Carm. I. 3. 18. Quod ibi Hesychio restituit, ἀτάρμηκτοι quamproxime habet codex unicus a Schowio collatus. Citat quidem Albertus ἀταρβήτοις προσώποις ex Empedocle apud Plutarch. de Defectu Orac. p. 400. B. quæ verba si Wyttenbachius a prosa oratione separasset, et sic edidisset, Ἀνταυγεῖν πρὸς Ὀλυμπον ἀταρμήκτοισι προσώποις, alios nescio; ego certe non irascerer.

1149. Rem tritam nimis et vulgarem fortasse quibusdam annotare videbor; ἀλλ' ὅμως εἰρήσεται. Scilicet in ipsis Grammatices elementis docemur, *neutra pluralia verbo singulari gaudere*, mox vero hanc regulam complures exceptiones admittere. Quantum equidem judicare possum, veteres Attici hanc licentiam, si scilicet licentia appellanda est, ut plurale verbum neutri plurali subjicerent, nunquam usurpabant, nisi ubi de animantibus ageretur. Sed si plurale verbum sine discrimine adhibere licuisset, an credibile est tam commoda licentia tam raro abusuros? Occurrerent tum, opinor, plurima hujus usus exempla, quæ per metrum refingere nullo modo possemus. Nunc pauca ea, quæ occurrunt, generalem regulam singulari sua ratione stabiliunt potius, quam convellunt. Recte dixit Euripides Herc. F. 47. τέκνα μὴ θάνωσι. Recte etiam legimus in Aristoph. Acharn. 805. Ἐνεγκάτω τις ἔνδοθεν τῶν ἰσχάδων τοῖς χοιριδιοῖσιν. ἄρα τρώξονται; βαβαί, οἶον ῥοθιάζουσ', ὃ πολυτίμηθ' Ἡράκλεις. Ποδαπὰ τὰ χοιρῆ'; ὡς Τραγασαῖα φαίνεται. Ἄλλ' οὐχὶ πάσας κατέτραγον τὰς ἰσχάδας. Ubi per metrum legere posses, τρώξεται et κατέτραγεν, ῥοθιάζει legere non posses. Eupolis apud Herodianum in Villoisoni Anecdotis T. II. καὶ λέγουσὶ γε τὰ μειράκια προϊστάμενα τοῖς ἀνδράσιν. In Plut. 833. ἀπέλιπον vel ἐπέλιπον habent quidam codices, male quod ad numerum attinet; sed metro non minus convenienter. At in Eccles. 839. omnes editiones